

A. PERSI FLACCI
ET
D. IVNI IVVENALIS
SATVRAE

EDIDIT
BREVIQVE ADNOTATIONE CRITICA
INSTRVXIT
W. V. CLAUSEN

Ino:
NFC. 2394

OXONII
E TYPOGRAPHEO CLARENDONIANO
MCMLIX

PERSI

'Daue, cito, hoc credas iubeo, finire dolores
 praeteritos meditor' (crudum Chaerestratus unguem
 adrodens ait haec). 'an siccis dedecus obstem
 cognatis? an rem patriam rumore sinistro
 limen ad obscenum frangam, dum Chrysidis udas 165
 ebrius, ante fores extincta cum face canto?'
 'euge, puer, sapias, dis depellentibus agnam
 percute.' 'sed censen plorabit, Daue, relicta?'
 'nugaris. solea, puer, obiurgabere rubra,
 ne trepidare uelis atque artos rodere casses. 170
 nunc ferus et uiolens; at, si uocet, haut mora dicas
 "quidnam igitur faciam? nec nunc, cum arcessat et ultro
 supplicet, accedam?" si totus et integer illinc
 exieras, nec nunc.' hic hic quod quaerimus, hic est,
 non in festuca, lictor quam iactat ineptus. 175
 ius habet ille sui, palpo quem ducit hiantem
 cretata Ambitio? uigila et cicer ingere large
 rixanti populo, nostra ut Floralia possint
 aprici meminisse senes. quid pulchrius? at cum
 Herodis uenere dies unctaque fenestra 180
 dispositae pinguem nebulam uomuere lucernae
 portantes uiolas rubrumque amplexa catinum
 cauda natat thynni, tumet alba fidelia uino,
 labra moues tacitus recutitaque sabbata palles.
 tum nigri lemures ouoque pericula rupto, 185
 tum grandes galli et cum sistro lusca sacerdos
 incussere deos infantis corpora, si non

164 *redit M* 171 *in hoc uersu desinit X* 172 *nec PαVMNRW*:
ne CGL et post ras. N arcessat *PG et (or supra scr.) L*: arcessor
N: accessor α*C*: accessor *VMRW*. cf. ii. 45, *Hor. Serm.* ii. 3. 262-3,
Ter. Eun. 46-47 174 *nec N Paris.* 8272: *ne PGLR et post ras. N*:
nunc αVMW: non *C Valent.* 410 quod *PαVCGMS(LU)* et *post corr.*
L: quem *LNRWE* 175 *quam PGLMNS(LU)*: quem *αVCRW*
 176 *dist. Buecheler* ducit *αVΦ*: tollit *P*

SATVRA V

praedictum ter mane caput gustaueris ali.
 dixeris haec inter uaricosos centuriones,
 continuo crassum ridet Pulfenius ingens 190
 et centum Graecos curto centusse licetur.

SATVRA VI

ADMOVIT iam bruma foco te, Basse, Sabino?
 iamne lyra et tetrico uiuunt tibi pectine chordae?
 mire opifex numeris ueterum primordia uocum
 atque marem strepitum fidis intendisse Latinae, 5
 mox iuuenes agitare iocos et pollice honesto
 egregius lusisse senex. mihi nunc Ligus ora
 intepet hibernatque meum mare, qua latus ingens
 dant scopuli et multa litus se ualle receptat.
 'Lunai portum, est operae, cognoscite, ciues.'
 cor iubet hoc Enni, postquam destertuit esse 10
 Maeonides Quintus pauone ex Pythagoreo.
 hic ego securus uolgi et quid praeparet auster
 infelix pecori, securus et angulus ille
 uicini nostro quia pinguior, etsi adeo omnes
 ditescant orti peioribus, usque recusem 15
 curuus ob id minui senio aut cenare sine uncto
 et signum in uapida naso tetigisse lagoena.
 discrepet his alius. geminos, horoscope, uaro
 producis genio: solis natalibus est qui
 tinguat holus siccum muria uafet in calice empta, 20
 ipse sacrum inrorans patinae piper; hic bona dente
 grandia magnanimus peragit puer. utar ego, utar,

190 *pulfenius P*: *fulfenius α*: *fuluenius N*: *pulfennius GL*: *fulfennius V Vat. Reg.* 1562: *fuluennius M Paris.* 8049: *uulfennius CRW*
 3 *uocum αVΦS*: *rerum P* 6 *egregius PαVGL*: *egregios Φ* *lusisse PΦS*: *iussisse αVMR* *senex PαVGL*: *senes Φ* 9 *cognoscite αVΦ*:
cognoscere P Leid. Voss. 13 *Σ*

PERSI

nec rhombos ideo libertis ponere lautus
 nec tenuis sollers turdarum nosse saliuas.
 messe tenus propria uiue et granaria (fas est) 25
 emole. quid metuas? occa et seges altera in herba est.
 at uocat officium, trabe rupta Bruttia saxa
 prendit amicus inops remque omnem surdaque uota
 condidit Ionio, iacet ipse in litore et una
 ingentes de puppe dei iamque obuia mergis 30
 costa ratis lacerae; nunc et de caespite uiuo
 frange aliquid, largire inopi, ne pictus oberret
 caerulea in tabula. sed cenam funeris heres
 negleget iratus quod rem curtaueris; urnae
 ossa inodora dabit, seu spirent cinnama surdum 35
 seu ceraso peccent casiae nescire paratus.
 'tune bona incolumis minuas?' et Bestius urguet
 doctores Graios: 'ita fit; postquam sapere urbi
 cum pipere et palmis uenit nostrum hoc maris expers,
 fenisecae crasso uitiarunt unguine pultes.' 40
 haec cinere ulterior metuas? at tu, meus heres
 quisquis eris, paulum a turba seductior audi.
 o bone, num ignoras? missa est a Caesare laurus
 insignem ob cladem Germanae pubis et aris
 frigidus excutitur cinis ac iam postibus arma, 45
 iam chlamydas regum, iam lutea gausapa captis
 essedaque ingentesque locat Caesonia Rhenos.
 dis igitur genioque ducis centum paria ob res

23 rhombos *PCGLNSE*: scombros α *VMRW* 24 tenuis $P\alpha$ *VCMRW*:
 tenuem *GLN* turdarum *PGLNWE* *Explan. in Don. G.L.K.* iv. 494,
Pomp. G.L.K. v. 161: turdorum α *VCMR* saliuas $P\alpha$ *VCMRW*: saliuam
GLN 26 metuas *PL*: metuis α *VΦ* 27 at *Vat. Reg.* 1562:
 a* *P*: ast α *VΦS* 35 inodora *PVΦ Sang. SE*: inhonora α *Σ* 37 et
 α *VΦ*: sed *NS* et (ed in *ras. P²*) *P* 40 crasso Φ *Σ*: crassa $P\alpha$ *VGM*
 46 clamidas *PGLS(LU)*: clamides α *VΦ Prisc. G.L.K.* ii. 333, 350 captis
VGLMNS et (ca in *ras.*) *P Prisc. ibid.*: uictis α *CRW*

SATVRA VI

egregie gestas induco. quis uetat? aude.
 uae, nisi coniuues. oleum artocreasque popello 50
 largior. an prohibes? dic clare. 'non adeo' inquis
 'exossatus ager iuxta est.' age, si mihi nulla
 iam reliqua ex amitis, patruelis nulla, proneptis
 nulla manet patruui, sterilis matertera uixit
 deque auia nihilum superest, accedo Bouillas 55
 cliuumque ad Virbi, praesto est mihi Manius heres.
 'progenies terrae?' quaere ex me quis mihi quartus
 sit pater: haut prompte, dicam tamen; adde etiam unum,
 unum etiam: terrae est iam filius et mihi ritu
 Manius hic generis prope maior auunculus exit. 60
 qui prior es, cur me in decursu lampada poscis?
 sum tibi Mercurius; uenio deus huc ego ut ille
 pingitur. an renuis? uis tu gaudere relictis?
 'dest aliquid summae.' minui mihi, sed tibi totum est
 quidquid id est. ubi sit, fuge quaerere, quod mihi quondam
 legarat Tadius, neu dicta, 'pone paterna, 66
 fenoris accedat merces, hinc exime sumptus,
 quid relicum est?' relicum? nunc nunc inpensius ungue,
 ungue, puer, caules. mihi festa luce coquatur
 urtica et fissa fumosum sinciput aure, 70
 ut tuus iste nepos olim satur anseris extis,
 cum morosa uago singultiet inguine uena,
 patriciae inmeiat uoluae? mihi trama figurae
 sit reliqua, ast illi tremat omento popa uenter?
 uende animam lucro, mercare atque excute sollers 75
 omne latus mundi, ne sit praestantior alter

51 adeo α *Leid. Voss.* 13 et ut *uid. Σ(LU)*: audeo *PVΦS* 60 exit α *VΦ*:
 exstat *P* 61 poscis α *VMRW*: poscas *PCGLN* 63 uis *PCGLSE*:
 uis α *VMNRW* 66-68 *dist. Buecheler et Conington* 66 pone
 $P\alpha$ *VGLMNS*: repone *CRW* 69 coquatur *PGMN Sang.*: coquetur
 α *VCLRWS(LU)* 76 ne *PGLRE*: nec α *VCMNWS(M)*: neu *S(LU)*.
cf. Iuu. xiv. 66

PERSI

Cappadocas rigida pinguis plausisse catasta,
rem duplica. 'feci; iam triplex, iam mihi quarto,
iam decies redit in rugam. depunge ubi sistam,
inuentus, Chrysippe, tui finitor acerui.'

80

77 plausisse *PCW* Sang. Σ : clausisse *GL*: pausisse *Bern. A* 92 pars
30: pausisse α *VMNR* 79 depunge *P* α *VCLMRS(M)*: depunge
GNWS(LU) et post ras. *C*

VITA AVLIS PERSI FLACCI
DE COMMENTARIO
PROBI VALERI SVBLATA